

**“Ўзмиллийбанк” АЖ Коррупцияни олдини олишни мувофиқлаштириш
бўлими томонидан Риштон банк хизматлари марказида коррупцияга қарши
курашиш мавзусида ўтказилган давра суҳбати юзасидан**

МА Ё Л У М О Т Н О М А

2026 йил 5 май

Риштон т.

“Ўзмиллийбанк” АЖнинг Коррупцияга қарши курашиш йўналишида ходимларнинг ҳуқуқий онги ва маданиятини юксалтириш, коррупцияга нисбатан муросасиз муносабатни шакллантириш бўйича ҳуқуқий-тарғибот ва профилактик чора-тадбирлар Режасига мувофиқ, Коррупцияни олдини олишни мувофиқлаштириш бўлими бош мутахассиси У.Ибрагимов томонидан, Риштон банк хизматлари маркази ходимлари билан “Коррупцияга қарши бирга курашамиз” мавзусида давра суҳбати ўтказилди.

Суҳбат жарёнида учрашув иштирокчиларига “Ўзмиллийбанк” АЖ Фарғона вилояти Бош бошқармаси тизимида коррупцияни олдини олиш йўналишида белгиланган чора-тадбирлар ҳамда амалга оширилаётган ишлар ҳақида қисқа маълумот берилди.

Хусусан, Ўзбекистон Республикаси Президенти томонидан йил якуни бўйича Ўзбекистон Республикаси халқига ва парламентга йўллаган мурожаатида, 2026 йил коррупция йўналишида “фавқулодда ҳолат” деб эълон қилинганини, шу муносабат билан мазкур йўналишда жадал ишлар ва муросасиз кураш олиб борилаётганини, жумладан, апрель, май ойлари давомида “Ўзмиллийбанк” АЖ Андижон ҳамда Наманган вилоятлари Бош бошқарманинг масъул ходимлари маълум миқдордаги пул маблағларини олаётган пайтда ушланиб, ҳозирги кунда ушбу ҳолатлар юзасидан жиноий ишлар кўзғатилиб, жазо муқаррарлиги таъминланмоқда. Бундан ташқари, Фарғона амалиёт банк хизматлари маркази Чакана хизмат кўрсатиш гуруҳи Ипотека кредитлаш бўлими етакчи мутахассиси Сотволдиев Бекзод Зоҳиджон ўғли хизмат хонасига келган миқдорлардан моддий манфаат кўриш учун уларнинг ҳар биридан пул маблағлари олаётганлиги, хусусан жорий йилнинг феврал-март ойларида у хизмат хонаси бўлган Ипотека кредитлаш бўлимига ташриф буюрган айрим фуқаро (мижоз)лардан уларга ONE ID иловасини юклаб бериш эвазига ҳар биридан 20.000 сўмдан нақд пул кўринишида маблағларни олганлиги маълум бўлиб, мазкур аниқланган ҳолат юзасидан ўрнатилган видеокузатув камераси танлов асосида таҳлил қилиниб, ўрганилганда, етакчи мутахассис Б.З.Сотволдиев 2026 йилнинг 20 феврал кунидан 10 апрел кунига қадар жами 160 (бир юз олтмиш) нафар миқдорлардан 20.000 (йигирма минг) сўмдан, жами 3.200.000 (уч миллион икки юз минг) сўм миқдорда пул маблағларини қўлга киритганлиги, миқдорлардан

олган пул маблағларини ҳеч қандай банк ҳисоб рақамларига ўтказмаганлиги, унинг бу ноқонуний хатти-ҳаракатлари видеотасвирларда яққол қайд этилганлиги сабабли, Б.Сотволдиев “Ўзмиллийбанк” тизимидан бўшатилади.

Риштон Банк хизматлари марказида коррупциявий ҳолатларининг олдини олишга қаратилган чора-тадбирлар долзарблиги ва бу борада ходимларнинг жавобгарлиги, шахсий позитцияси муҳимлиги, ҳозирги кунда бу каби иллатга қарши курашиш ва уни олдини олишга қаратилган комплекс тадбирлар олиб борилаётганлиги, бу давлат ички сиёсатнинг узвий бири бўлаги эканлигини таъкидланди.

Сухбат давомида, ҳозирда “Ўзмиллийбанк” АЖ Фарғона вилояти Бош бошқармаси ва ҳудудий тизимларда коррупциявий ҳуқуқбузарликларни олдини олиш юзасидан бир қатор тарғибот-ташвиқот ишлари олиб борилаётганлиги, коррупцияга қарши ички назорат тизимлари коррупциявий ҳолатларни барвақт аниқлаш ва олдини олиш, уларнинг сабаб ва шарт-шароитларини бартараф этиш, манфаатлар тўқнашувига йўл қўймаслик ҳамда коррупцияга нисбатан муросасиз муносабатни шакллантириш чоралари кўрилаётгани алоҳида таъкидлаб ўтилди.

Сухбат иштирокчилари ўз навбатида муҳокамага қўйилган мавзуларга ижобий муносабатларини билдириб, коррупция жамиятдаги энг ёмон иллат эканлиги, мамлакат тараққиётига ўта салбий таъсир кўрсатишини, уни олдини олиш ва бу каби офатга қарши курашиш барчанинг вазифаси эканлиги кўрсатиб ўтилди.

Сухбат давомида банк ходимлари томонидан берилган саволларга тўлиқ ва батафсил жавоб берилди.

Учрашув якунида “Ўзмиллийбанк” АЖ Коррупцияни олдини олишни мувофиқлаштириш бўлими бош мутахассиси ходимларга яна бир бор коррупцияга биргаликда ва ҳамжихатликда курашиш, бунда банк ходимларига ўз лавозими мажбуриятларидан келиб чиққан ҳолда қўмаклашишга тайёрлигини билдирди.

“Ўзмиллийбанк” АЖ Коррупцияни
олдини олишни мувофиқлаштириш
бўлими бош мутахассиси

 У.А.Ибрагимов

Риштон БХМ



